

بِسْمِ اللَّهِ الرَّحْمَنِ الرَّحِيمِ



Khutba Jummah

Hazrat Khalifatullah Munir. A. Azim (atba)

19 Juin 2020

27 Shawwal 1441 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors :

Bane Attributs d'Allah (Pt.9)

Alhamdulillah, Summa Alhamdulillah nous pé continuer aujourd'hui lors le sujet de bane attributs d'Allah, et bane remerciements de l'homme envers Allah pour bane faveurs sublimes ki Allah fine fer lors li [lors nous]. Nous remercier Li par rappel et mentionne Li par So bane pli joli noms.

À travers bane faveurs ki Hazrat Adam (as) fine bénéficié de Allah pendant so création et aussi après, li vine évident pour nous ki l'élite [celui ki ena ene stage bien haute et ki Allah fine choisir] li ena avec Allah bane l'états [bane stages et émotions et connexions] ki li pas partage avec aucaine les autres êtres, et ki c'est à travers zot [bane élites], à l'exclusion de bane êtres ordinaires, ki Allah exécute So plan.

Le fait ki zot fine mange sa fruit [interdit] là, et kot ensuite Allah fine dire zot pou dessane depuis kot zot ti été et fine envoie zot lors la terre, alors tous sa là fine ena bane résultats et conséquences heureux [c'est-à-dire, fine ena bane bons répercussions]. Zot pou capave demande moi, bé couma sa fine ena bons

répercussions après ki Hazrat Adam (as) et so madame fine désobéir Allah ? Eh bien, dans paradis, Adam (as) et so madame ti conne Allah zis par So bane attributs de Pourvoyeur (*Al Razzaq*), Donateur (*Al Mu'ti*), et Bienfaiteur (*Al Muhsin*), mais dans So Bienveillance secret (*Lutfihi Al-Khafi*) ki préside au plan divine, sa fine faire ene grand plaisir à Allah pou révèle Li-même comme étant Le Très Généreux (*Al Halim*), Celui Qui cachiette [bane défauts] (*Al Sattar*), Le Pardonneur (*Al Ghafur*), L'Indulgent (*Al Tawwab*), et Celui Qui choisir [So bane élus] (*Al Mujtabi*) parmi bane plusieurs les autres attributs. So générosité inégalable [c'est-à-dire, kot personne pas capave être aussi généreux ki Li] en effet fine faire ki Li pas fine presser pou puni zot pour zot action, kot sa c'est bel et bien le caractéristique de sa attribut là, kot Allah laisse ene délai à ene pécheur (que ce soit pour pardonne li ensuite et grâcier li, ou sois pour mieux exerce lors li So puissance kot Li fer sa dimoune là subir So vengeance ki bien douloureux).

Mais Allah pas fine tombe lors zot avec So colère mais Li fine révèle Li à zot comme Celui qui cachiette [bane défauts]; parski après ki zot fine mange sa fruit là, zot nudité fine vine apparent pour zot [kot zot fine prend conscience de sa nudité là] parski zot fine perdi zot l'habillement paradis. Adam fine alors cachiette so nudité à l'aide de bane feuilles du paradis pareil couma fine mentionner dans Quran: **Zot fine couvert zot avec bane feuilles paradis.** (Ta Ha 20 : 122).

Sa ti en effet le voile ki Allah fine couvert zot. Donc, bane noms d'action couma *Al-Hilm*, *Al-Satr*, *Al-Maghfira*, *Al-Ijtiba* corresponne à bane noms d'Allah : *Al-Halim*, *Al-Sattar*, *Al-Ghafir* et *Al-Mujtabi*. Sa dernier nom là [*Al-Mujtabi*] li cité seulement ene sel fois dans bane quatre textes traditionnelles de bane 99 « *plus jolis noms d'Allah* », celui de Abu Hurairah (ra).

Al-Sattar – quant à li, pas faire partie de aucaine de bane la listes ki remonte à l'Envoyé d'Allah (saws), et d'ailleurs sa attribut là li apparait bien rarement dans bane premiers écrits Islamiques. L'usage de sa nom là paraite sorti de plusieurs bane invocations prophétiques. Pour conne la grandeur d'Allah et So bane attributs, mo ré-vine lors le sujet de Adam (as) pour ki nous comprend mieux sa sujet là.

Allah ti envie faire Adam conner ki Li fine choisir, ou élire li [l' élu d'Allah]. De sa élection là, fine ena deux stations spirituelles: celui du Retour à Allah (*Al Tawba Ilayhi*) – kot ou tourne et retourne à Allah avec repentir et ou demande So pardon

– et celui de la Guidance Divine (*Al Hidaaya Indahu*). Alors, le fait ki Allah fine envie faire Adam conne l'affection et l'intérêt ki Li ena pour li, même avant so propre création, Allah fine prédestine li pou mange de sa z'arbre là, mais sans ki sa action là li vine ene raison pour détourne Li de Adam ou sois pou prive li de So soutien. Non ! Sa pas ti l'intention de Allah pou repousse Adam.

Au contraire, sa ti ene l'occasion pou Allah pou manifester So l'affection à Adam, conformément à sa proverbe là: « *Bane transgressions de celui ki fine fini gagne la sollicitude [l'affection] avant sa, alors sa pas pou faire li aucaine ditort.* » Ena beaucoup bane l'affection ki alle mort, alle détruire suite à bane transgressions, bane écarts de conduite ; ene l'amour réel tousel ki zamais pas détruire, et sa malgré n'importe quoi ki ene bien-aimé faire.

La suite de sa verset là [kot li vine conclure le récit de la chute d'Adam – kot Allah tire li dans Paradis pou envoie li lors la terre], et kot Quran dire : « **Alors so Maître fine choisir li [comme So représentant lors la terre]** », alors faudé pas prend sa comme indiquant ene moment précis kot c'est seulement après ki Adam fine fauté ki Allah fine choisir li. Non ! Sa élection divine là fine depuis avant même décider, avant même l'existence de Adam.

Li veut dire simplement ki c'est seulement après sa transgression là ki bane l'effets de sa élection là fine vine manifestes [claires] et c'est pourquoi Allah fine précise sa kitchose là kot Li dire : « **Alors so Maître fine choisir li [comme So représentant lors la terre], fine accepter so repentir et fine guide li** », c'est-à-dire: alors bane l'effets de sa élection là fine appaite lors li, ainsi ki sollicitude ki Allah fine démontrer lors li (parski Allah fine donne li permission et fine même montrer li bane *duahs* couma pou demande pardon et kot Allah même alors accepter so repentance) et c'est Allah même ki fine guide Li – Adam fine recevoir la Guidance Divine. Sa verset là contenir donc trois indications: celui de l'élection, celui du repentir ki ene conséquence de sa, et celui de la guidance ki représente conséquence de la repentance [ki li fine faire].

Après ki Allah fine tire Adam depuis paradis et envoie li lors la terre, Allah fine révèle Li à Adam par So sagesse pareil couma Li fine révèle Li à li par So puissance extraordinaire dans paradis; et sa c'est parski sa le monde ici-bas là fine manifester comme ene le monde de bane causes et de bane intermédiaires.

Zot bizin conner ki Allah fine révèle Li en premier lieu par l'acte créateur, si bien ki Adam fine invoque Li par So nom: Le Puissant (*Ya Qadir*). Ensuite Allah fine révèle Li à Adam par So volonté spécifique, si bien ki Adam fine alors invoque Li par So nom: Le Volontaire (*Ya Murid*).

Allah fine révèle Li à Adam par So décision pou interdit li pou mange de sa z'arbre là, et Adam fine invoque Li par So nom : Le Maître absolu Qui Sage et décide tout par So Justice et So décret (*Ya Hakeem*). Ensuite Li fine prédestine Adam pou mange de sa z'arbre là [pou mange sa fruit là], et Adam fine invoque Li par So nom : Le Dominateur Suprême (*Ya Qahhaar*). Le fait ki après sa Allah pas fine presser pou puni li, Adam fine invoque Li par So nom : Le Très Généreux (*Ya Halim*) ; et le fait ki Allah pas fine révèle so faute ki li fine faire, kot Allah fine cachiette so bane défauts, alors Adam fine invoque Li par So nom de Celui Qui cachiette [bane défauts] (*Ya Sattaar*). Kan Allah fine accepter So repentance, Adam fine invoque Li par So nom : Celui Qui rempli de miséricorde et accepter bane répentir (*Ya Tawwaab*).

Allah fine alors faire Adam comprend ki so désobéissance pas fine détruire So l'affection pour li, et alors Adam fine invoque Li par So nom : Celui Qui ena beaucoup l'affection, l'amour et compassion (*Ya Waddoud*).

Ensuite Allah fine faire li dessane lors la terre, kot Li fine facilite pour li so bane moyens d'existence, et Adam fine invoque Li par So nom : Le Bienveillant (*Ya Latiff*). Allah fine donne li la force pou supporte saki Li [Allah] ti exiger de li [Adam] et Adam fine invoque Li par So nom : Celui Qui accorde So l'aide (*Ya Mu'in*). Puis, kan Allah fine dévoile li le secret de l'interdit, de so transgression, et de so chute du paradis ki fine passer ensuite, Adam fine alors reconnait sa sagesse divine là et fine invoque Allah par So nom: Le Sage (*Ya Hakeem*). Allah fine ensuite donne li la victoire lors so bane ennemis, et Adam fine invoque Li par So nom de Celui Qui accorde la victoire (*Ya Nasir*). Enfin Allah fine aide li pou supporte [ena patience lors] bane exigences de la servitude, si bien ki Adam fine invoque Li par So nom: Le Soutien (*Ya Dhahir*).

Donc, c'est zis à cause Allah ti bizin mène à terme So décision (*tasrif*) à l'encontre d'Adam, et pou impose lors li bane prescriptions légales, ki Allah fine faire li dessane lors la terre, si bien ki dans Adam (as) les deux aspects de la servitude fine compléter à la perfection : (1) La servitude de celui ki subir bane décisions

[divines], et (2) la servitude de celui acquitte li de bane prescriptions [commandements] d'Allah.

Ki don [faveur] pli sublime ki Allah ti capave accorde li ? Et nous trouver même ki kalité grand li grand sa bienveillance ki Allah fine ena envers li ! Et sa bienveillance là, Allah fine démontrer sa envers toute l'humanité, kot n'importe kan l'humanité en danger, kot l'homme dévier du droit chemin et oublier Allah, alors Allah envoie de nouveau So Adam avec le *Ruh'il Quddus* et quoiqui sa Adam là li ene humain li aussi, avec tout bane faiblesses de so création – la création de l'homme – mais alors, la miséricorde d'Allah et So toute puissance dessane lors li et aide li à travers la révélation divine, à travers ene connexion spéciale ki fine créer avec l'amour ki Allah ena pou So Khalifa – *Khalifatullah* – kot c'est Allah même Qui vine so soutien, et aide li pou amène à bien so mission lors sa la terre là. *Alhamdulillah*. Allah pas abandonne li, mais Li guide li couma pou dévier bane plans de Iblis et so l'armée [bane Shaytanes] et pou guide l'humanité – surtout bane ki reconnaite bane signes d'Allah et l'avènement de So Messenger et ki vine de l'avant pou recevoir sa grâce exceptionnel là.

C'est sa ki montrer l'amour ki Allah ena pour l'humanité. Li pas puni avant ki Li envoie ene Messenger et sa Messenger d'Allah là, li proche de Allah plisse ki ene papa content so bane zenfants. Li guide zot à travers So Khalifatullah, et le plus grand Khalifatullah ki nous l'univers fine conner c'est bel et bien nous maître Hazrat Muhammad (saws). Et en vérité tous bane messagers d'Allah zot bane descendants spirituels de Adam (as), nous ancêtre ki Allah fine content pou béni et révèle Li à li afin ki Li manifester Li-même dans tout So splendeur à l'humanité, afin ki nous adore Li tousel, nous content Li et nous soumette nous complètement à Li, et alors kan nous pou faire sa, alors la miséricorde et l'amour divine fine réserver pour nous. *Insha-Allah*.

Sa c'est le premier partie de mo Khutba pour aujourd'hui, *Insha-Allah*, ki Allah (swt) donne moi le *Tawfiq* pour contigner lors le même sujet vendredi prochain.

Ki Allah béni tous bane croyants et aide zot pou rapproche avec Li, surtout avec l'avènement de So Khalifatullah de sa siècle là, et ki Allah ouvert les cœurs de l'humanité et aide zot pou percevoir sa lumière là et reconnaite So l'unicité et accepter So Envoyé afin ki zot aussi zot profite de So *Wadd* (l'amour) dans sa siècle là. *Insha-Allah, Ameen*.

RÉVÉLATIONS DIVINE

Deuxième Partie : Révélations recevoir Vendredi matin après Namaz Tahajjud après ki fine faire beaucoup duahs avant prend décision lors ene zaffaire important. Alhamdulillah, Allah (swt) révèle moi sa vers 03.15am (et ti pé faire bien bien frais). À trois reprises sa révélation là fine vini jusqu'à l'heure Namaz Fajr.

Al-Hamdu Lillahii-lazii anzala alaa Abdihil Ruhil Quddus wa lam yajal-lahuu iwajaa.

Gloire pou Allah, Qui fine envoie le Ruhil Quddus lors So serviteur, et Li pas fine mette nannié (c'est-à-dire, céki mo fine comprend : Li pas fine dire nannié ki pas exacte là-dans).

Annahuu layy-yu'mina min qawmika illaa man-qad 'aamana falaa tabta-ismimaa kaanuu yafaluun.

Personne pas pou croire dans toi parmi to peuple (ici, pé faire référence à Maurice), à part bane ki fine croire déjà. Pas chagrine toi à cause de céki zot pé faire.

Afa-anta tukri hunnaasa hattaa yakuu-nuu Mu'miniin.

Mais eski toi, to capave force dimounes gagne la foi ?

Faj-tanibuuhu la-allakum tuf-lihuun.

Écarte ou de zot, afin ki ou prospérer.

Wa ulaaa'ika humul mu-ta-duun.

Sa bane là, zot dépasse tout limite.

Wa anakh-tartuka fasta-mi lima yuuhaa.

Mo fine choisir toi. Alors, écoute révélation ki pour faire toi.

Qul kullum-mutarabbisun fatarabbasuu : fasata-la muuna man as-haabus-siraatis sa-wiyyi wa manihtadaa.

Dire zot: Tout pé attane, attane ou aussi. Bientôt ou va conner ki sanlà ti lors chemin droit et ti suivre ene bon guide.